

תהילים פרק קז	א	הִדּוּ לַיהוָה כִּי-טוֹב: כִּי לְעוֹלָם חֲסָדוֹ.
	ב	יֹאמְרוּ, גְּאוּלֵי יְהוָה-- אֲשֶׁר גָּאֵלָם, מִיַּד-צָר.
	ג	וּמֵאֲרָצוֹת, קִבְּצָם: מִמִּזְרַח וּמִמְעַרֵב; מִצָּפוֹן וּמִיָּם.
	ד	תָּעוּ בַמִּדְבָּר, בִּישִׁימוֹן דָּרֶךְ; עִיר מוֹשָׁב, לֹא מִצְאוּ.
	ה	רַעֲבִים גַּם-צָמְאִים-- נַפְשָׁם, בָּהֶם תִּתְעַטֵּף.
	ו	וַיִּצְעְקוּ אֶל-יְהוָה, בְּצָר לָהֶם; מִמִּצּוֹקוֹתֵיהֶם, יִצִּילֵם.
	ז	וַיִּדְרִיכֵם, בְּדֶרֶךְ יִשְׂרָאֵל-- לִלְכֹת, אֶל-עִיר מוֹשָׁב.
	ח	יֹדּוּ לַיהוָה חֲסָדוֹ; וְנִפְלְאוֹתָיו, לְבַנְי אָדָם.
	ט	כִּי-הִשְׁבִּיעַ, נֶפֶשׁ שֹׁקֵקָה; וְנֶפֶשׁ רַעֲבָה, מִלֶּא-טוֹב.
	י	יִשְׁבִּי, חֲשֵׁךְ וְצִלְמוֹת; אֲסִירִי עֲנִי וּבְרָזֶל.
	יא	כִּי-הִמְרוּ אִמְרֵי-אֵל; וַעֲצַת עֲלִיוֹן נֶאֱצוּ.
	יב	וַיִּכְנַע בְּעַמְל לִבָּם; כְּשִׁלּוֹ, וְאִין עֲזָר.
	יג	וַיִּזְעַקוּ אֶל-יְהוָה, בְּצָר לָהֶם; מִמִּצּוֹקוֹתֵיהֶם, יוֹשִׁיעֵם.
	יד	יוֹצִיאֵם, מִחֲשֵׁךְ וְצִלְמוֹת; וּמוֹסְרוֹתֵיהֶם יִנְתַּק.
	טו	יֹדּוּ לַיהוָה חֲסָדוֹ; וְנִפְלְאוֹתָיו, לְבַנְי אָדָם.
	טז	כִּי-שִׁבְרָה, דִּלְתוֹת נְחֹשֶׁת; וּבְרִיחֵי בְרָזֶל גִּדְעוּ.
	יז	אֲוֹלִים, מִדֶּרֶךְ פֶּשַׁע; וּמַעֲוֹנוֹתֵיהֶם, יִתְעַנוּ.
	יח	כָּל-אֶכָּל, תִּתְעַב נֶפֶשָׁם; וַיִּגִּיעוּ, עַד-שַׁעֲרֵי מוֹת.
	יט	וַיִּזְעַקוּ אֶל-יְהוָה, בְּצָר לָהֶם; מִמִּצּוֹקוֹתֵיהֶם יוֹשִׁיעֵם.
	כ	יִשְׁלַח דְּבָרוֹ, וַיִּרְפָּאֵם; וַיִּמְלֹט, מִשְׁחִיתוֹתָם.
	כא	יֹדּוּ לַיהוָה חֲסָדוֹ; וְנִפְלְאוֹתָיו, לְבַנְי אָדָם.
	כב	וַיִּזְבְּחוּ, זִבְחֵי תוֹדָה; וַיִּסְפְּרוּ מַעֲשָׂיו בִּרְנָה.
	כג	יֹרְדֵי הַיָּם, בְּאֲנִיּוֹת; עֹשֵׂי מְלֶאכֶה, בְּמַיִם רַבִּים.
	כד	הִמָּה רָאוּ, מַעֲשֵׂי יְהוָה; וְנִפְלְאוֹתָיו, בְּמִצּוֹלָה.
	כה	וַיֹּאמְרוּ--וַיַּעֲמֵד, רוּחַ סֶעֱרָה; וַתִּרְוַם גְּלִיו.
	כו	יָעֲלוּ שָׁמַיִם, יִרְדּוּ תְהוֹמוֹת; נַפְשָׁם, בְּרָעָה תִתְמוּגַג.
	כז	יַחֲוֶה וַיִּנּוּעוּ, כְּשֹׁכֹר; וְכָל-חֲכֻמָּתָם, תִּתְבַּלַּע.
	כח	וַיִּצְעְקוּ אֶל-יְהוָה, בְּצָר לָהֶם; וּמִמִּצּוֹקוֹתֵיהֶם, יוֹצִיאֵם.
	כט	יָקָם סֶעֱרָה, לְדַמְמָה; וַיִּחָשׂוּ, גְּלִיהֶם.
	ל	וַיִּשְׁמְחוּ כִּי-יִשְׁתַּקּוּ; וַיִּנְחַם, אֶל-מַחוּז חֲפָצָם.
	לא	יֹדּוּ לַיהוָה חֲסָדוֹ; וְנִפְלְאוֹתָיו, לְבַנְי אָדָם.
	לב	וַיְרוּמְמוּהוּ, בְּקַהֲל-עָם; וּבְמוֹשָׁב זִקְנִים יִהְלֹוהוּ.
	לג	יֵשֶׁם נְהֹרוֹת לְמִדְבָּר; וּמִצְאֵי מַיִם, לְצִמְאוֹן.
	לד	אֲרָץ פְּרִי, לְמַלְחָה; מִרְעַת, יוֹשְׁבֵי בָהּ.
	לה	יֵשֶׁם מִדְבָּר, לְאֵגֶם-מַיִם; וְאֲרָץ צִיָּה, לְמִצְאֵי מַיִם.
	לו	וַיּוֹשֵׁב שָׁם רַעֲבִים; וַיִּכּוֹנְנוּ, עִיר מוֹשָׁב.
	לז	וַיִּזְרְעוּ שְׂדוֹת, וַיִּטְעוּ כִרְמִים; וַיַּעֲשׂוּ, פְּרֵי תְבוּאָה.
	לח	וַיִּבְרְכֵם וַיִּרְבּוּ מְאֹד; וּבְהֶמְתָּם, לֹא יִמְעִיט.
	לט	וַיִּמְעֹטוּ וַיִּשְׁחֻ-- מַעֲצָר רָעָה וַיִּגּוֹן.
	מ	שֹׁפֵךְ בּוֹז, עַל-נְדִיבִים; וַיִּתְעַם, בְּתֵהוּ לֹא-דֶרֶךְ.
	מא	וַיִּשְׁגַּב אֲבִיוֹן מַעוֹנִי; וַיֵּשֶׁם כִּצְאוֹן, מִשְׁפָּחוֹת.
	מב	יִרְאוּ יִשְׂרָאֵל וַיִּשְׁמְחוּ; וְכָל-עוֹלָה, קִפְצָה פִּיהָ.
	מג	מִי-חֲכָם וַיִּשְׁמַר-אֱלֹהֵי; וַיִּתְבוֹנְנוּ, חֲסָדֵי יְהוָה.